



## თეთრიწყაროს მუნიციპალიტეტის საკრებულოს განკარგულება №42

27 აგვისტო, 2018 წელი

ქ: თეთრიწყარო

ქალაქ თეთრიწყაროში, მუნიციპალიტეტის საკუთრებაში არსებული გარე განათების ბოძების წერტილების სარგებლობის უფლებით ქირავნობის წესით გადაცემის თაობაზე.

ადგილობრივი თვითმმართველობის კოდექსის მე-16 მუხლის მე-2 პუნქტის „ბ“ ქვეპუნქტის, 24-ე მუხლის მე-2 პუნქტის, 54-ე მუხლის პირველი პუნქტის „დ.დ“ ქვეპუნქტის, 122 -ე მუხლის მე-4 და მე-5 პუნქტებისა და „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბერის N669-ე დადგენილების 21-ე, 22-ე და 24-ე მუხლების საფუძველზე.

### **მუხლი 1.**

ნება დაერთოს თეთრიწყაროს მუნიციპალიტეტის მერს მიიღოს გადაწყვეტილება ქალაქ თეთრიწყაროში, მუნიციპალიტეტის საკუთრებაში არსებული გარე განათების 323 ერთეული ბოძის წერტილის შპს „მაგთიკომისთვის“ 15 (თხუთმეტი) წლის ვადით პირდაპირი წესით, პირობებიანი სარგებლობის უფლებით, ოპტიკურ - ბოჭკოვანი კაბელის გაყვანის მიზნით ქირავნობის წესით გადაცემის თაობაზე და განახორციელოს ხელშეკრულების გაფორმება კანონმდებლობის შესაბამისად.

### **მუხლი 2.**

განკარგულება ამოქმედდეს ხელმოწერისთანავე.

### **მუხლი 3.**

განკარგულება შეიძლება გასაჩივრდეს თეთრიწყაროს რაიონულ სასამართლოში, (ქ.თეთრიწყარო, კოსტავას ქ. N11 ) საქართველოს ადმინისტრაციული საპროცესო კოდექსის შესაბამისად, მისი მიღებიდან 1 (ერთი) თვის ვადაში.

გოჩა თედორაძე

საკრებულოს თავმჯდომარე

